

④ 1975/1976

CM	0	1	2	3	4	5	6	7	8	9	10	11	12	13	14	15	16	17
Lab D50 2'	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

毛詩鄭箋卷之十二

小雅

哈佛大學哈佛東  
圖書館珍藏

周卜商子夏序

漢趙人毛萇傳

北海鄭玄箋

明甬東屠本峻纂疏補協江都陸弼歛程應衢校

節南山之什詁訓傳第十九

節

如字又音  
截注同

南山家父刺幽王也

箋家父字周大夫也

節彼南山維石巖巖

與也節高峻貌巖巖積石貌箋興者喻三公之位

人所尊嚴

赫赫師尹民具爾瞻憂心如惓不敢戲談

惓徒  
蓋切

赫赫顯盛貌師太師周之三公也尹尹氏為太師  
具俱瞻視惓燔也箋此言尹氏女音汝下同居三公之  
位天下之民俱視女之所為皆憂心如火灼爛之  
矣又畏女之威不敢相戲而言語疾其貪暴脅下  
以刑辟也

國既卒斬何用不監

卒子律反補協斬  
側卸反監古益反

卒盡斬斷監視也箋天下之諸侯日相侵伐國已  
盡絕滅女何用為職不監察之

節彼南山有實其猗

補協猗  
於何切

實滿猗長也箋猗倚也言南山既能高峻又以草

木平滿其旁倚之畎

古犬及

谷使之齊均也

赫赫師尹不平謂何

箋責三公之不均平不如山之為也謂何猶云何  
也

天方薦瘥喪亂弘多

瘥才何反  
喪息浪反

薦重瘥病弘大也箋天氣方今又重以疫病長幼  
相亂而歿喪去聲甚大多也

民言無嘉慤莫懲嗟

補協嘉居何切慤  
七慮送切遭哥切

慤曾也箋懲止也天下之民皆以災害相弔言無  
一嘉慶之言曾無以恩德止之者嗟乎奈何

尹氏大師維周之氏秉國之均四方是維天子是毗

俾民不迷

大音泰補協氏都  
黎切毗婢尸切

氏本均平毗厚也箋氏當作桎鎡

胡膳切

之桎毗輔

也言尹氏作大師之官為周之桎鎡持國政之平

維制四方上輔天子下教化天下使民無迷惑之

憂言任至重

不弔昊天不宜空我師

弔如字又丁歷反  
吳胡老反

弔至空窮也箋至猶善也不善乎昊天愬之也不

宜使此人居尊官困窮我之眾民也

弗躬弗親庶民弗信弗問弗仕勿罔君子

補協信斯人反子獎

里反

庶民之言不可信勿罔上而行也箋仕察也勿當

作未此言王之政不躬而親之則恩澤不信於眾

民矣不問而察之則下民未罔其上矣

式夷式已無小人

補協殆殆養里切

式用夷平也用平則已無以小人之言至於危殆

也箋殆近也為政當用平正之人用能紀理其事

也無小人近

瑣瑣姻亞則無膺仕

瑣瑣小貌兩壻相謂曰亞膺厚也箋壻之父曰姻

瑣瑣昏姻妻黨之小人無厚任用之置之大位重其祿也

昊天不儻降此鞠訕昊天不惠降此大戾補協備曰叶敕龍切

暖按備自可通訕不必改音訕音凶

備均鞠盈訕訟也箋鞠猶多也戾乖也昊天乎師氏為政不均乃下此多訟之俗又為不和和順之行乃下此乖爭之化疾時民做為之愬之於天

君子如屈俾民心闕君子如夷惡怒是違補協屈叶若例切闕

叶苦桂切思去聲

屈極闕息夷易去聲違去也箋屈至也君子斥在位

者如行至誠之道則民鞠訕之心息如行平易去聲之政則民乖爭之情去言民之失由于上可反復也

不弔昊天亂靡有定式月斯生俾民不寧憂心如醒

誰秉國成補協天鉄因切定唐丁切生桑經切醒音呈

病酒曰醒成平也箋弔至也至猶善也定止式用也不善乎昊天天下之亂無有止之者用月此生言日月益甚也使民不得安我今憂之如病酒之醒矣觀此君臣誰能持國之平乎言無有也

不自為政卒勞百姓補協政音征姓桑經切

箋卒終也昊天不自出政教則終窮苦百姓欲使  
昊天出圖書有所授命民乃得安

駕彼四牡四牡項領

項大也箋四牡者人君所乘駕今但養大其領不  
肯為用喻大臣自恣王不能使也

我瞻四方蹙蹙靡所騁

蹙音蹴  
騁音逞

騁極也箋蹙蹙縮小之貌我視四方土地日見侵  
削於夷狄蹙蹙然雖欲馳騁無所之也

方茂爾惡相爾矛矣

補協惡與懌隔句一韻矛與  
醜隔句一韻惡入聲相去聲

茂勉也箋相視也方爭訟自勉於惡之時則視女

矛矣言欲戰鬥相殺傷矣

既夷既懌如相醜矣

補協懌弋灼  
切醜音酬

懌服也箋夷說也言大臣之乖爭本無大讎其已  
相和順而悅懌則如賓主飲酒相醜酢也

昊天不平我王不寧不懲其心覆怨其正

正音  
征

正長也箋昊天乎師尹為政不平使我王不得  
安寧女音汝不懲止女之邪心而反怨憎其正也

家父作誦以究王誣

父音甫補協  
誦牆容切

家父大夫也箋究窮也大夫家父作此詩而為王  
誦也以窮極王之政所以致多訟之本意

式訛爾心以畜萬邦

補協邦  
悲工切

箋訛化畜養也

節南山十章六章章八句四章章四句

正月大夫刺幽王也

正月繁霜我心憂傷

正月夏之四月繁多也箋夏之四月建巳之月純

陽用事而霜多急恒寒若之異傷害萬物故心為

之憂傷

民之訛言亦孔之將

將大也箋訛偽也人以偽言相陷入使王行酷暴

之刑致此災異故言亦甚大也

念我獨兮憂心京京哀我小心癩憂以痒

補協京居  
良反癩音

鼠痒  
音羊

京京憂不去也癩痒皆病也箋念我獨兮者言我

獨憂此政也

父母生我胡俾我瘡不自我後

補協瘡音  
庾後叶後

五切

父母謂文武也我我天下瘡病也箋自從也天使

父母生我何故不長遂我而使我遭此暴虐之政

而病此何不出我之前居我之後窮苦之情苟欲

免身

好言自口莠言自口

補協口  
孔五切

莠醜也箋自從也此疾訛言之人善言從女

音汝  
下同

口出惡言從女口出女口一爾善也惡也同出其

中謂其可賤

憂心愈愈是以有侮

愈愈憂懼也箋我心憂政如是是與訛言者殊塗

故用是見侵侮也

憂心惇惇念我無祿

惇惇憂意也箋無祿者言不得大祿自傷值今生

也

民之無辜并其臣僕

并必  
正反

古者有罪不入於刑則役之園土以為臣僕箋辜

罪也人之尊卑有十等僕第九臺第十言王既刑

殺無罪并及其家之賤者不止於所罪而已書曰

越茲麗刑并制

哀我人斯于何從祿

箋斯此于於也哀乎今我民人見遇如此當于何

從得天祿免於是難

去  
聲

瞻烏爰止于誰之屋



富人之屋鳥所集也箋視鳥集於富人之室以言  
今民亦當求明君而歸之

瞻彼中林侯薪侯蒸

中林林中也薪蒸言似而非箋侯維也林中大木  
之處而維有薪蒸爾喻朝廷宜有賢者而但聚小

人

民今方殆視天夢夢

補協夢  
莫登切

王者為亂夢夢然箋方且也民今且危亾視王者  
所為反夢夢然而亂無統理安人之意

既克有定靡人弗勝

補協定曰無叶峻按韻  
補中有唐丁切勝音升

勝乘也箋王既能有所定尚復事之小者爾無人  
而不勝言凡人所定皆勝王也

有皇上帝伊誰云憎

皇君也箋伊讀當為繫繫猶是也有君上帝者以  
情告天也使王暴害如是是憎惡去聲誰乎欲天指  
害其所憎而已

謂山蓋卑為岡為陵

在位非君子乃小人也箋此喻為君子賢者之道  
人尚謂之卑况為凡庸小人之行

民之訛言寧莫之懲

箋小人在位曾無欲止衆民之爲僞言相陷害也

召彼故老訊之占夢補協夢莫登反

故老召之訊問也箋君臣在朝侮慢元老召之不

問政事但問占夢不尚道德而信徵祥之甚

具曰予聖誰知烏之雌雄補協雄胡陵切

君臣俱自謂聖也箋時君臣賢愚適同如烏雌雄

相似誰能別彼別反異之乎

謂天蓋高不敢不局謂地蓋厚不敢不踏維號斯言

有倫有脊補協局訖力反號音豪

局曲也踏累足也倫道脊理也箋局踏者天高而

有雷霆地厚而有陷淪也此民疾苦王政上下皆

可畏怖之言也維民號呼而發此言皆有道理所

以至然者非徒苟妄爲誣辭

哀今之人胡爲虺蜴虺暉鬼反蜴星歷反

蜴音元也箋虺蜴之性見人則走哀哉今之人何

爲如是傷時政也纂疏正義曰釋魚云蜴蜥蜥蜴

蝮蜥蝮守宮也李巡曰蜴蜥一名蜥蜴蜥蜴名

蝮蜥蝮名守宮孫炎曰別四名也陸璣疏云虺

蜴一名蜴蜥蜴也或謂之蛇醫如蜥蜴青綠色大

如指形狀可惡

瞻彼阪田有苑其特

苑音

言朝廷曾無傑臣箋阪田崎嶇堯堉之處而有苑

然茂特之苗喻賢者在間音辟隱居之時

天之抗我如不我克

抗五忽反又音月

抗動也箋我我特苗也天以風雨動搖我如將不

勝我謂其迅音疾也

彼求我則如不我得

箋彼彼王也王之始徵求我如恐不得我言其禮

命之繁多

執我仇仇亦不我力

仇仇猶警警也箋王既得我執留我其禮待我警

警然亦不問我在位之功力言其有貪賢之名無

用賢之實

心之憂矣如或結之今茲之正胡然厲矣

補協厲力傑反

厲惡也箋茲此正長也心憂如有結之者憂今此

之君臣何一然為惡如是

燎之方揚寧或滅之

滅之以水也箋火田為燎燎之方盛之時炎熾燦

怒寧有能滅息之者言無有也以無有喻有之者

為甚也

赫赫宗周褒姒威之

宗周鎬京也褒國也姒姓也威滅也有褒國之女

幽王惑焉而以為后詩人知其必滅周也

終其永懷又窘陰雨

窘困也箋窘仍也終王之所行其長可憂傷矣又

將仍憂於陰雨陰雨喻君有泥陷之難

其車既載乃棄爾輔

補協輔扶雨反

大車重載又棄其輔箋以車之載物喻王之任國

事也棄輔喻遠賢也

載輸爾載將伯助予

補協予音與

將請伯長也箋輸墮也棄女車輔則墮女之載乃

請長者見助以言國危而求賢者已晚矣

無棄爾輔員于爾幅

員音云補協幅筆力反

負益也

屢顧爾僕不輸爾載

補協載節力反

箋屢數也僕將車者也顧猶視也念也

終踰絕險曾是不意

補協意叶億

箋女

音汝下全

不棄車之輔數顧女僕終是用踰度陷

絕之險女不曾以是為意乎以商事喻治國也

魚在于沼亦匪克樂潛雖伏矣亦孔之炤

補協沼炤俱叶灼

沼池也箋池魚之所樂而非能樂其潛伏於淵又  
不足以逃甚炤炤易見以喻時賢者在朝廷道不  
行無所樂退而窮處又無所止也

憂心慘慘念國之為雩

慘慘猶戚戚也

彼有旨酒又有嘉殽

補協殽與下云殷不叶案別本又有嘉殽作又有殽丞丞叶音

言禮物備也箋彼彼尹氏大師也

洽比其鄰昏姻孔云

比皮味反

洽合鄰近云旋也是言王者不能親親以及遠箋

云猶友也言尹氏富與兄弟相親友為朋黨也

念我獨兮憂心慙慙

慙慙然痛也箋此賢者孤特自傷也

吡吡彼有屋蔌蔌方有穀

吡音此蔌音速

吡吡小也蔌蔌陋也箋穀祿也此言小人富而窶

陋將貴也

民今之無祿天天是椽

補協椽都木反

君天之在位椽之箋民於今而無祿者天以薦瘥

天殺之是王者之政又復椽破之言遇害甚也

哿矣富人哀此惇獨

哿切

哿可獨單也箋此言王政如是富人猶可惇獨將

困也

正月十三章八章章八句五章章六句

十月之交大夫刺幽王也

箋當為刺厲王作詁訓傳時移其篇第因改之耳  
節彼刺師尹不平亂靡有定此篇譏皇父擅恣日  
月告凶正月惡褒姒滅周此篇疾豔妻煽方處又  
幽王時司徒乃鄭桓公友非此篇之所云番也是  
以知然

十月之交朔月辛卯日有食之亦孔之醜

補協卯莫後切

之交日月之交會醜惡也箋周之十月夏之八月

也八月朔日日月交會而日食陰侵陽臣侵君之

象日辰之義日為君辰為臣辛金也卯木也又以

卯侵辛故甚惡也

彼月而微此日而微

月臣道日君道箋微謂不明也彼月則有微今此

日反微非其常為異尤大也

今此下民亦孔之哀

補協哀於希切

箋君臣失道災害將起故下民亦甚可哀

日月吉凶不用其行四國無政不用其良

補協凶虛王切行戶

郎切

節南山

詩下卷之三

十三

卷之三

箋告凶告天下以凶亾之徵也行道度也不用之者謂相干犯也四方之國無政治者由天子不用善人也

彼月而食則維其常此日而食于何不臧

箋臧善也

燁燁震電不寧不令

燁于輒反補  
協令音零

燁燁震電貌震雷也箋雷電過常天下不安政教

不善之徵

百川沸騰山冢萃崩

沸甫味反萃子恤徂  
恤二反本亦作萃

沸出騰乘也山頂曰冢箋萃者崔嵬百川沸出相

乘陵者由貴小人也山頂崔嵬者崩君道壞也

高岸為谷深谷為陵

言易位也箋易位者君子居下小人處上之謂也

哀今之人胡憯莫懲

憯音慘又  
七感切

箋憯曾懲止也變異如此禍亂方至哀哉今在位

之人何曾無以道德止之

皇父卿士番維司徒家伯維宰仲允膳夫聚子內史

蹶維趣馬楛維師氏豔妻煽方處

父音甫聚音鄒蹶  
音隗趣七走反馬

滿補反楛音  
矩煽音扇

豔妻褒姒美色曰豔煽熾也箋皇父家伯仲允皆

字番聚蹶橋皆氏厲王淫於色七子皆用后嬖寵  
方熾之時並處位言妻黨盛女謁行之甚也敵夫  
曰妻司徒之職掌天下土地之圖人民之數冢宰  
掌建邦之六典皆卿也膳夫上士也掌王之飲食  
膳羞內史中大夫也掌爵祿廢置殺生予奪之法  
趣馬中士也掌王馬之政師氏亦中大夫也掌司  
朝得失之事六人之中雖官有尊卑權寵相連朋  
黨於朝是以疾焉皇父則爲之端首兼檀羣職故  
但日以卿士云

抑此皇父豈曰不時胡爲我作不卽我謀徹我牆屋

田卒汙萊

補協謀謨悲切汗  
音烏萊凌之切

時是也下則汙高則萊箋柳之言噫噫是皇父疾  
而呼之女豈曰我所爲不是乎言其不自知惡也  
女何爲役作我不先就與我謀使我得遷徙乃反  
徹毀我牆屋令我不得趨農田卒爲汙萊乎此皇  
父所築邑人之怨辭

曰予不戕禮則然矣

戕在良反補  
協矣於姬切

箋戕殘也言皇父旣不自知不是反云我不殘敗  
女田業禮下供上役其道當然言文過也

皇父孔聖作都于向擇三有事亶侯多藏

向式亮切  
亶都但反



藏才  
浪反

皇父甚自謂聖向邑也擇三有事有司國之三鄉  
信維貪淫多藏之人也箋專權足已自比聖人作  
都立三卿皆取聚斂之臣言不知厭也禮畿內諸  
侯二卿

不憇遺一老俾守我王

憇魚觀反補  
協王于放切

箋憇者心不欲自疆之辭也言盡將舊在位之人  
與之皆去無留衛王

擇有車馬以居狙向

向式  
亮切

箋又擇民之富有車馬者以往居于向也

黽勉從事不敢告勞

箋詩人賢者見時如是自勉以從王事雖勞不敢  
自謂勞畏刑罰也

無罪無辜讒口囂囂

囂五  
刀切

箋囂囂衆多貌時人非有辜罪其被讒口見椽諧

囂囂然

下民之孽匪降自天噂沓背憎職競由人

噂音樽沓  
徒答反補

崩天如字又叶神  
人叶然又如字

噂猶噂沓猶沓沓職主也箋孽妖孽謂相為災  
害也下民有此言非從天墮也噂沓沓相對談

語背則相憎逐為此者由主人也

悠悠我里亦孔之痲補協痲呼有反

悠悠憂也里居也痲病也箋里居也悠悠乎我居

今之世亦甚困病

四方有羨我獨居憂

羨餘也箋四方之人盡有饒餘我獨居此而憂

民莫不逸我獨不敢休

箋逸逸豫也

天命不徹我不敢做我友自逸補協徹貞直反

徹道也親屬之臣心不能已箋不道者言王不循

天之政教

十月八章章八句

雨無正大夫刺幽王也雨自上下者也衆多如雨而非

非所以為政也

箋亦當為刺厲王王之所下教令甚多而無正也

浩浩昊天不駿其德降喪饑饉斬伐四國補協德如字又都木

反國如字又古祿反

駿長也穀不熟曰饑蔬不熟曰饉箋此言王不能

繼長昊天德至使昊天下此死喪饑饉之災而

天下諸侯於是更相侵伐纂疏正義曰釋天文李

巡曰五穀不熟曰饑可食之菜皆不熟爲饑穀梁  
傳曰一穀不升謂之嗛二穀不升謂之饑三穀不  
升謂之饑四穀不升謂之康五穀不升謂之大饑  
又謂之大侵

昊天疾威弗慮弗圖

箋慮圖皆謀也王既不駿昊天天之德今昊天又疾  
其政以刑罰畏恐天下而不慮不圖

舍彼有罪既伏其辜若此無罪淪胥以鋪

舍音赦  
辜平聲

舍除淪率也箋胥相鋪徧也言王使此無罪者見  
牽率相引而徧得罪也

周宗既滅靡所止戾

戾定也箋周宗鎬京也是時諸侯不朝王民不堪  
命王流于彘無所安定也

正大夫離居莫知我勩

勩音  
異

勩勞也箋正長也長官之大夫於王流于彘而皆  
散處無復知我民之見罷勞也

三事大夫莫肯夙夜邦君諸侯莫肯朝夕

補協夜施  
灼切夕祥

俞  
切

箋王流在外三公及諸侯隨王而行者皆無君臣  
之禮不肯晨夜朝暮省王也

庶曰式臧覆出為惡

覆芳服反

覆反也箋人見王之失所庶幾其自改悔而用善人反出教令復為惡也

如何昊天辟言不信如彼行邁則靡所臻

補協天叶神信叶申

辟法也箋如何乎昊天痛而愬之也為陳法度之言不信之也我之言不見信如行而無所至也

凡百君子各敬爾身胡不相畏不畏于天

補叶天叶神

箋凡百君子謂眾在位者各敬慎女之身正君臣之禮何為上下不相畏乎上下不相畏是不畏于

天

戎成不退饑成不遂曾我誓御懔懔日瘁

誓思列反懔千感切

戎兵遂安也誓御侍御也瘁病也箋兵成而不退謂王見流于燕無御止之者饑成而不安謂王在燕乏於飲食之蓄無輸粟歸餼者此二者曾但侍御左右小臣懔懔憂之大臣無念之者

凡百君子莫肯用訊聽言則答譖言則退

訊貝悴反又音碎

以言進退人也箋訊告也眾在位者無肯用此相告語言不憂王之事也荅猶距也有可聽用之言則共以辭距而違之有譖毀之言則共為排退之羣臣並為不忠惡直醜正

哀哉不能言匪舌是出維躬是瘁

出音毛耗

哀賢人不得言不得出是舌也箋瘁病也不能言

言之拙也言非可出於舌其身旋見困病

哿矣能言巧言如流俾躬處休

哿可也可矣世所謂能言也巧言從俗如水轉流

箋巧猶善也謂以事類風

去聲

切割微

古愛反

之言如

水之流忽然而過故不悖逆使身舌安休休然亂

世之言順說為上

維曰于仕孔棘且殆云不可使得罪于天子亦云可

使怨及朋友

補協仕上聲殆養里反子獎里反

于往也箋棘急也不可使者不正不從也可使者

雖不正從也居今衰亂之世云往仕乎甚急迫且

危急迫且危以此二者也

謂爾遷于王都曰予未有室家

補協家叶姑

賢者不肯遷于王都也箋王流于彘正大夫離居

同姓之臣從王思其友而呼之謂曰女今可遷居

王都謂彘也其友辭之云我未有室家於王都可

居也

鼠思泣血無言不疾

思去聲補協血虛屈反

無聲曰泣血無所言而不見疾也箋鼠憂也既辭

之以無室家爲其意恨又患不能距止之故云我  
憂思泣血欲遷王都見女今我無一言而不道疾  
者言已方困於病故未能也

昔爾出居誰從作爾室

遭亂世義不得去思其友而不肯反者也箋往始  
離居之時誰隨爲女作室女猶自作之爾今反以  
無室家距我恨之辭

雨無正七章二章章十句二章章八句三章章  
六句

小旻大夫刺幽王也

箋所刺列於十月之交雨無正爲小故曰小旻亦  
當爲刺厲王

旻天疾威敷于下土

敷布也箋旻天之德疾王者以刑罰威恐萬民其  
政教乃布於下土言天下徧知

謀猶回遘何日斯沮

遘音  
聿

回邪遘辟沮壞也箋猶道沮止也今王謀爲政之  
道回辟不循旻天之德已甚矣心猶不悛何日此  
惡將止

謀臧不從不臧覆用我視謀猶亦孔之邛

補協用于  
封反邛其

反凶

印病也箋臧善也謀之善者不從其不善者反用之我視王謀為政之道亦甚病天下

滄滄訛訛亦孔之哀

滄音及訛音紫補協哀於希切

滄滄然患其上訛訛然思不稱其上箋臣不事君亂之階也甚可哀也

謀之其臧則具是違謀之不臧則具是依我視謀猶

伊于胡底

補協底都黎反

箋于往底至也謀之善者俱背違之其不善者依就之我視今君臣之謀道往行之將何所至乎言

必至於亂

我龜既厭不告我猶

補協猶曰叶于救切

猶道也箋猶圖也卜筮數而瀆龜龜靈厭之不復

告其所圖之吉凶言雖得兆占繇

音不中

謀夫孔多是用不集

補協集諸古韻俱無所謂叶疾救者彼蓋欲強改以合猶耳恐

曰叶之妄也姑闕之以俟知者

集就也箋謀事者眾而非賢者是非相奪莫適可從故所為不成

發言盈庭誰敢執其咎

謀人之國國危則死之古之道也箋謀事者眾訥

訥滿庭而無敢決當是非事若不成誰云已當其咎責者言小人爭知而讓過

如匪行邁謀用是不得于道

補協道徒候切

箋匪非也君臣之謀事如此與不行而坐圖遠近是於道路無進於跬步何以異乎

哀哉為猶匪先民是程匪大猶是經維邇言是聽維

邇言是爭

補協聽平聲爭日叶側陞切按爭自可通聽不必改音

古曰在昔昔曰先民程法經常猶道邇近也爭為近言箋哀哉今之君臣謀事不用古人之法不循大道之常而徒聽順近言之同者爭言之異者言

見動輒則泥陷不至於遠也

如彼築室于道謀是用不潰于成

潰遂也箋如當路築室得人而與之謀所為路人之意不同故不得遂成也

國雖靡止或聖或否民雖靡盬或哲或謀或肅或艾

否音鄙盬音無補協謀莫徒反

靡止言小也人有通聖者有不能者亦有明哲者

有聰謀者艾治也有恭肅者有治理者箋靡無止

禮盬法也言天下諸侯今雖無禮其心性猶有通

聖者有賢者民雖無法其心性猶有知者有謀者



有肅者有艾者王何不擇焉置之於位而任之爲  
治乎書曰睿作聖明作哲聰作謀恭作肅從作乂  
詩人之意欲王敬用五事以明天道故云然

如彼流泉無淪胥以敗

箋淪率也王之爲政者如原泉之流行則清無相  
牽率爲惡以自濁敗

不敢暴虎不敢馮河人知其一莫知其他

馮符水反補協他音

馮陵也徒涉曰馮河徒搏曰暴虎一非也他不敬

小人之危殆也箋人知暴虎馮河立至之害而無

知當畏慎小人能危亾也

戰戰兢兢

補協兢兢平聲

戰戰恐也兢兢戒也

如臨深淵

補協淵一均切

恐隊也

如履薄冰

恐陷也

小旻六章三章章八句三章章七句

小宛大夫刺宣王也

箋亦當爲刺厲王

宛彼鳴鳩翰飛戾天

補協天如字又叶神

興也宛小貌鳴鳩鶉鶉翰高戾至也行小人之道

責高明之功終不可得纂疏正義云鶉鶉小種鳩

也草木疏云鳴鳩班鳩也

我心憂傷念昔先人

補協人叶然又如字

先人文武也

明發不寐有懷二人

補協叶同上

明發發夕至明

人之齊聖飲酒温克

齊正克勝也箋中正通知之人飲酒雖醉猶能温

藉自持以勝

彼昏不知壹醉日富

補協富筆力反

醉而日富矣箋童昏無知之人飲酒一醉自謂日

益富夸淫自恣以財驕人

各敬爾儀天命不又

補協又夷益反

又復也箋今女君臣各敬慎威儀天命所去不復

來也

中原有菽庶民采之

補協采此禮反

中原原中也菽藿也力采者則得之箋藿生原中

非有主也以喻王位無常家也勤於德者則得之

螟蛉有子蜾蠃負之

蜾音果蠃音裸  
補協負蒲美切

螟蛉桑蟲也蜾蠃蒲盧也負持也箋蒲盧取桑蟲

之子負持而去煦嫗養之以成其子喻有萬民不

能治則能治者將得之纂疏釋蟲文郭璞曰蒲盧

卽細腰蜂也俗呼爲蠓螭桑虫俗謂之桑蠆亦呼

爲戎女鄭中庸注以蒲盧爲土蜂陸璣疏云螟蛉

者桑上小青虫也似步屈其色青而細小或在草

菜上蜾蠃土蜂也似蜂而小腰取桑虫負之於木

空中七日而化爲其子又正義曰中庸云夫政也

者蒲盧卽此是也樂記注云以體曰嫗以氣曰煦

謂負而以體暖之以氣煦之而令變爲巳子也

按蒲盧本虫也今學究俱以爲草故標而出之

教誨爾子式穀似之

補協似  
養里切

箋式用穀善也今有教誨女之萬民用善道者亦

似蒲盧言將得而子也

題彼脊令載飛載鳴

題音第  
今音零

題視也脊令不能自舍君子有取節爾箋題之爲

言視瞻也載之言則也則飛則鳴翼也口也不有

止息

我日斯邁而月斯征

箋我我王也邁征皆行也王日此行謂日視朝也而月此行謂月視朝也先王制此禮使君與羣臣議政事日有所決月有所行亦無時止息夙興夜寐無忝爾所生

忝辱也

交交桑扈率場啄粟

扈音戶

交交小貌桑扈竊脂也言上爲亂政而求下之治終不可得也箋竊脂肉食今無肉而循場啄粟失其天性不能以自活纂疏正義曰桑扈竊脂釋鳥文郭璞曰俗呼青雀嘴曲食肉喜盜脂膏食之因

以名云陸璣云青雀也好竊人脯肉脂及膏故曰竊脂也

哀我填寡宜岸宜獄握粟出卜自何能穀

填音顛

填盡岸訟也箋仍得曰宜自從穀生也可哀哉我窮盡寡財之人仍有獄訟之事無可以自救但持粟行卜求其勝負從何能得生

温温恭人

温温和貌

如集于木

恐隊也

惴惴小心如臨于谷

惴音贅

恐墮也

戰戰兢兢如履薄冰

兢兢平聲

箋衰亂之世賢人君子雖無罪猶恐懼

小宛六章章六句

小弁刺幽王也太子之傳作焉

弁彼鷺斯歸飛提提

鷺音豫補協斯新貴反提音啼

與也弁樂也鷺卑居卑居雅鳥也提提羣貌箋樂

乎彼雅鳥出食在野甚飽羣飛而歸提提然興者

喻凡人之父子兄弟出入宮庭相與飲食亦提提

然樂傷今太子獨不纂疏正義曰鷺居卑釋鳥文

也卑居又名雅鳥郭璞曰雅鳥小而多羣腹下白

江南呼為鴨鳥是也此鳥名鷺而云斯者語辭猶

蓼彼蕭斯苑彼柳斯傳或有斯者衍字以劉孝標

之博學而類苑鳥部立鷺斯之目是不精也此鳥

好羣聚故云提提羣貌

民莫不穀我獨于罹

罹力知反

幽王取申女生太子宜咎又說褒姒生子伯服立

以為后而放宜咎將殺之箋穀養于曰罹憂也天

下之人無不父子相養者我太子獨不然曰以憂

也

何辜于天我罪伊何

補協何叶  
奚下全

舜之怨暮日號

音豪

泣于旻天于父母

心之憂矣云如之何

跖跖周道鞠為茂草

補協道即口  
反草此苟反

跖跖平易也周道周室之通道鞠窮也箋此喻幽

王信褒姒之讒亂其德政使不通于四方

我心憂傷惄焉如擣假寐永歎維憂用老心之憂矣

疾如疾首

怒音溺補協擣當口  
反老魯口反疾音趨

怒思也擣心疾也箋不脫冠衣而寐曰假寐疾猶

病也

維桑與梓必恭敬止

梓音子

父之所樹已尚不敢不恭敬

靡瞻匪父靡依匪母不屬於毛不罹于裏

補協毋姥  
罪反屬蜀

音白  
燭二

毛在外陽以言父裏在內陰以言母箋此言人無

不瞻仰其父取法則者無不依恃其母以長大者

今我獨不得父皮膚之氣乎獨不處母之胞胎乎

何曾無恩於我

天之生我我辰安在

補協在  
叶理

辰時也箋此言我生所值之辰安所在乎謂六物之吉凶

苑彼柳斯鳴蜩嘒嘒有漼者淵萑葦淠淠苑音鬱蜩音條淠音

蜩蟬也嘒嘒聲也漼深貌淠淠衆也箋柳木茂盛則多蟬淵深而旁生萑葦言大者之旁無所不容

譬彼舟流不知所屆補協屆居氣反

箋屆至也言今太子不為王及后所容而見放逐狀如舟之流行無制之者不知終所至也心之憂矣不遑假寐

箋遑暇也

鹿斯之奔維足伎伎雉之朝雉尚求其雌

伎伎舒貌謂鹿之奔走其足伎伎然舒也箋雉雉鳴也尚猶也鹿之奔走其勢宜疾而足伎伎然舒留其羣也雉之鳴猶知求其雌今太子之放棄其妃匹不得與之去又鳥獸之不如

譬彼壞木疾用無枝

壞嵬也謂傷病也箋大子放逐而不得生子猶內傷病之木內有疾故無枝也

心之憂矣寧莫之知

箋寧猶曾也

相彼投兔尚或先之行有死人尚或瑾之補協先息  
吝切瑾音

覲  
瑾路冢也箋相視投掩行道也視彼人將掩兔尚有先驅走之者道中有死人尚有覆掩之成其瑾者言此所不知其心不忍

君子秉心維其忍之補協忍  
如震切

箋君子斤幽王也秉執也言王之執心不如彼二人

心之憂矣涕既隕之隕音  
蘊

隕隊也

君子信讒如或疇之補協疇  
市救反

箋疇旅疇也如疇之者謂受而行之

君子不惠不舒究之

箋惠愛究謀也王不愛太子故聞讒言則放之不

舒謀也

伐木倚矣折薪把矣補協倚叶居何  
反把叶湯何反

伐木者倚其巔析薪者隨其理箋倚其巔者不欲妄踣之地謂觀其理也必隨其理者不欲妄挫折之以言今王之遇太子不如伐木析薪也



舍彼有罪予之佗矣

補協佗 湯何反

佗加也箋予我也舍褒姒讒言之罪而妄加我太子

子

補協山輪旃 切浚蘇俊反

莫高匪山莫浚匪泉登其巔泉深矣人入其淵以

浚深也箋山高矣人登其巔泉深矣人入其淵以

易夷跋反屬音 燭注同垣音表

言人無所不至雖逃避之猶有默存者焉

君子無易由言耳屬于垣

易夷跋反屬音 燭注同垣音表

箋由用也王無輕用讒人之言人將有屬耳於壁

而聽之者知王有所受之知王心不正也

無逝我梁無發我笱

笱音 苟

箋逝之也之人梁發人笱此必有盜魚之罪以言

褒姒淫色來嬖於王盜我太子母子之寵

我窮不閱遑恤我後

後上 聲

念父孝也高子曰小弁小人之詩也孟子曰何以

言之曰怨乎孟子曰固哉夫高叟之為詩也有越

也親之過小而怨是不可磯也愈踈不孝也不可磯亦不孝也孔子曰舜其至孝矣五十而慕箋念父孝也太子念王將受讒言不止我死之後懼復有被讒者無如之何故自決云我身尚不能自容何暇乃憂我死之後也

小弁八章章八句

巧言刺幽王也大夫傷於讒故作是詩也

悠悠昊天曰父母且無罪無辜亂如此憮

且音疽憮音呼

憮大也箋悠悠思也憮敖也我憂思乎昊天愬王也始者言其且為民之父母今乃刑殺無罪無辜

之人為亂如此甚敖慢無法度也

昊天已威予慎無罪昊天大憮予慎無辜

補協威紆胃反罪叶

粹撫平聲大音泰

威畏慎誠也箋已泰皆言甚也昊天乎王甚可惡王甚傲慢我誠無罪而罪我

亂之初生僭始既涵

涵音含補協暖按生生一隔句韻涵讒隔句韻

僭數涵容也箋僭不信也既盡涵同也王之初生

亂萌羣臣之言不信與信盡同之不別也

亂之又生君子信讒

箋君子斥在位者也在位者信讒人之言是復亂

之所生

君子如怒亂庶遄沮

補協怒奴五反遄市專反下  
全沮濟呂反按怒沮一韻

遄疾沮止也箋君子見讒人如怒責之則此亂庶  
幾可疾止也

君子如祉亂庶遄已

祉音耻已音以  
按祉已一韻

祉福也箋福者福賢者謂爵祿之也如此則亂亦  
庶幾可疾止也

君子屢盟亂是用長

補協盟謨郎  
切長直良切

凡國有疑會同則用盟而相要腰也箋屢數也盟  
之所以數者由世衰亂多相背違時見曰會殷見

曰同非此時而盟謂之數音朔

君子信盜亂是用暴

盜遜也箋盜謂小人也春秋傳曰賤者寤諸盜

盜言孔甘亂是用餒

餒談鹽  
二音

餒進也

匪其止共維王之印

共音恭  
印音節

箋印病也小人好為讒佞既不共其職事又為王  
作病

奕奕寢廟君子作之秩秩大猷聖人莫之他人有心

予忖度之躍躍兔兔遇犬獲之

度音鐸躍音別兔兔  
音讒獲黃郭反

奕奕大貌秩秩進知也莫謀也冕鬼狡兔也箋此  
四事者言各有所能也因已能忖度讒人之心故  
列道之爾猷道也大道治國之禮法遇犬犬之馴  
者謂田犬也

荏染柔木君子樹之往來行言心焉數之

補協樹上  
主反數所

荏染柔意也柔木椅桐梓漆也箋此言君子樹善  
木如人心思數善言而出之善言者往亦可行來  
亦可行於彼亦可於已亦可是之謂行也

蛇蛇碩言出自口矣

蛇以反又補  
協口孔五切

蛇蛇淺意也箋碩大也大言者言不顧其行徒從  
口出非由心也

巧言如簧顏之厚矣

補胡五反  
胡五反

箋顏之厚者出言虛偽而不知慙於人

彼何人斯居河之麋

補協斯  
先賁反

水草交謂之麋箋何人者斥讒人也賤而惡之故  
曰何人

無拳無勇職爲亂階

補協階  
居奚切

拳力也箋言無力勇者謂易誅除也職主也此人  
主爲亂作階言亂由之來也

既微且燠爾勇伊何

燠市勇反補協何曰如字  
駿按古韻中何有奚音

疇戶諫反瘍音羊為微腫足為燠箋此人居下濕之

地故生微腫之疾人憎惡之故言女勇伊何何所

能也

為猶將多爾居徒幾何

補協多曰不叶按轉注中有  
祇音幾如字曰空希切何叶

奚曰  
如字

箋猶謀將大也女作讒佞之謀大多女所與居之

衆幾何人素能然乎

補協駿按兩何字俱叶奚自  
與上階麋斯相叶曰以伊幾

二字以與上叶則兩何字將安處  
乎今去伊幾不叶叶兩何何字

巧言六章章八句

何人斯蘇公刺暴公也暴公為卿士而譖蘇公焉故

蘇公作是詩以絕之

箋暴也蘇也皆畿內國名

彼何人斯其心孔艱胡逝我梁不入我門

補協艱居  
銀切又如

字門眉貧切  
又民堅切

箋孔甚艱難逝之也梁魚梁也在蘇國之門外彼

何人乎謂與暴公俱見於王者也其持心甚難知

言其性堅固似不妄也暴公譖已之時女與之乎

今過我國何故近之我梁而不入見我乎疑其與

之而未察斤其姓名為大切故言何人

伊誰云從維暴之云

補協云如字  
又丁元切

云言也箋諧我者是言從誰生乎乃暴公之所言也  
也由已情而本之以解何人意

二人從行誰此為禍胡逝我梁不入唁我

補協禍胡  
果反唁音

去

箋二人者謂暴公與其侶也女相隨而行見王誰  
作我是禍乎時蘇公以得譴讓也女即不為何故  
近之我梁而不入弔唁我乎

始者不如今云不我可

箋女始者於我甚厚不如今日也今日云我所行

有何不可者乎何更於已薄也

彼何人斯胡逝我陳我聞其聲不見其身

補協陳如  
字又叶出

身如字  
又叶捐

陳堂塗也箋堂塗者公館之堂塗也女即不為何  
故近之我館庭使我得聞女之音聲不得覩女之  
身乎

不愧于人 不畏于天

補協人如字又叶  
然天叶神又如字

箋女今不入唁我何所愧畏乎皆疑之未察之辭

彼何人斯其為飄風胡不自北胡不自南胡逝我梁

祇攪我心

補協風字情切南  
尼心切攪音攪

飄風暴起之風攪亂也箋祇適也何人乎女行來  
而去疾如飄風不欲入見我何不乃從我國之南  
不則乃從我國之北何近之我梁適亂我之心使  
我疑女

爾之安行亦不遑舍爾之亟行遑脂爾車壹者之來

云何其盱

補協舍商居切  
亟紀力反盱音吁

箋遑暇亟疾盱病也女可安行乎則何不暇舍息  
乎女當疾行乎則又何暇脂女車乎極其情求其  
意終不得一者之來見我於女亦何病乎

爾還而入我心易也還而不入否難知也壹者之來

俾我祇也

祇協易  
以支切

易說

悅音

祇病也箋還行反也否不通也祇安也女

行反入見我我則解說也反又不入見我則我與  
女情不通女與於諧我與否復難知也一者之來  
見我我則知之是使我心安也

伯氏吹壎仲氏吹篪

壎音填  
篪音池

土曰壎竹曰篪箋伯仲喻兄弟也我與女恩如兄  
弟其相應和如壎篪以言俱為王臣宜相親愛纂  
疏正義曰壎周禮小師職作填古今字異耳注云  
壎六孔燒土為之爾雅釋樂文大填謂之詔喑郭

璪云大如鵝子銳上平底形似稱錘小者如雞子  
釋樂又云大箎謂之沂郭璪曰箎以竹爲之長尺  
四寸圍三寸八孔孔上出徑三分橫吹之小者尺  
二寸注箎七孔蓋不數其上出者故七出也世本  
云暴辛公作塤蘇成公作箎譙周古史考云古有  
塤箎尚矣周幽王嘗暴辛公善塤蘇成公善箎

及爾如貫諒不我知出此三物以詛爾斯

補協斯先責反

三物豕犬雞也民不相信則盟詛之君以豕臣以  
犬民以雞箋及與諒信也我與女俱爲王臣其相  
比次如物之在繩索之貫也今女心誠信而我不

知且其出此三物以詛女之此事爲其情之難知  
已又不欲長怨故設之以此言

爲鬼爲蜮則不可得有覩面目視人罔極

補協目莫筆反覩音

臆

蜮短狐也覩姑也箋使女爲鬼爲蜮也則女誠不  
得見也姑然有面目女乃人也人相視無有極時  
終必與女相見纂疏正義曰洪範五行傳云蜮如  
鼈三足生於南越南越婦人多淫故其地多蜮淫  
女或亂之氣所生也陸璣疏云一名射影江淮水  
皆有之人在岸上影見水中投人影則殺之故曰



射影南人將入水先以瓦石投水中令水濁然後入或曰含沙射人皮膚其瘡如疥是也作此好歌以極反側

反側不正直也箋好猶善也反側輾轉也作八章之歌求女之情女之情反側極於是也

何人斯八章章六句

巷伯刺幽王也寺人傷於讒故作是詩也

箋巷伯奄官寺人內小臣也奄官上士四人掌王后之命於宮中爲近故謂之巷伯與寺人之官相近讒人譖寺人寺人又傷其將及巷伯故以名篇

萋兮斐兮成是貝錦

與也萋斐文章相錯也貝錦錦文也箋錦文者文如餘泉餘蜺之貝文也與者喻讒人集作已過以成於罪猶女工之集采色以成錦文纂疏正義曰釋魚說貝文狀云餘蜺黃白文餘泉白黃文李廵曰餘蜺貝甲黃爲質白爲文彩餘泉貝甲白爲質黃爲文彩陸璣疏云貝水介蟲也其文彩之異大小之殊甚衆或又有紫貝其白質如玉紫點爲文皆可列相當其貝大者當有至一尺六七寸者今九貢交趾以爲杯盤寶物也

彼譖人者亦已大甚

太音泰補協甚食甚切

箋大甚者謂使已得重罪也

哆兮侈兮成是南箕

哆昌者反侈尺是反

哆大貌南箕箕星也侈之言是必有因也斯人自謂辟嫌之不審也昔者顏叔子獨處于室鄰之釐婦又獨處于室夜暴風雨至而室壞婦人趨而至顏叔子納之而使執燭放乎旦而蒸盡縮屋而繼之自以為辟嫌之不審矣若其審者宜若魯人然魯人有男子獨處于室鄰之釐婦又獨處于室夜暴風雨至而室壞婦人趨而託之男子閉戶而不

納婦人自牖與之言曰子何為不納我乎男子曰吾聞之也男子不六十不間居今子幼吾亦幼不可以納子婦人曰子何不若柳下惠然嫗不逮門之女國人不稱其亂男子曰柳下惠固可吾固不可吾將以吾不可學柳下惠之可孔子曰欲學柳下惠者未有似於是也箋箕星哆然踵狹而舌廣今讒人之因寺人之近嫌而成言其罪猶因箕星之哆而侈大之

彼譖人者誰適與謀

補協謀謨悲切

箋適往也誰往就女謀乎怪其言多且巧

緝緝翩翩謀欲譖人補協翩翩批賓切

緝緝口舌聲翩翩往來貌

慎爾言也謂爾不信補協言叶間按他本言字俱不叶信斯人切

箋慎誠也女誠心而後言王將謂女不信而不受欲其誠者惡其不誠也

捷捷幡幡欲謀譖言幡芳遭切

捷捷猶緝緝也幡幡猶翩翩也

豈不爾受既其女遷女音女下全

遷去也箋遷之言訕也王倉卒豈將不受女言乎

已則亦將復訕誹女誹芳宋反

驕人好好勞人草草

好好喜也草草勞心也箋好好者喜讒言之人也

草草者憂將妄得罪也

蒼天蒼天視彼驕人矜此勞人補協天如字又叶神人字然又如字

彼譖人者誰適與謀取彼譖人投畀豺虎補協者掌與切謀滿

補切畀必二切

投棄也

豺虎不食投畀有北

北方寒涼而不毛

有北不受投畀有昊補協受承咒反昊許侯切

昊昊天也箋付與昊天制其罪也

揚園之道倚于畝丘

倚於宜切補  
協丘渠之切

揚園園名倚加也畝丘丘名箋欲之揚園之道當

先歷畝丘以言此讒人欲譖大臣故從近小者始

寺人孟子作爲此詩凡百君子敬而聽之

補協子曰  
不叶峻按

轉注中  
有慈音

寺人而曰孟子者罪已定矣而將踐刑作此詩也

箋寺人王之正內五人作起也孟子起而爲此詩

欲使衆在位者慎而知之既言寺人復自著孟子

者自傷將去此官也

巷伯七章四章章四句一章五句一章八句一

章六句

節南山之什十篇七十九章五百五十二句纂疏陸

德明日從節南山至何草不黃凡四十四篇前儒申

毛皆以爲幽王之變小雅鄭以十月之交以下四篇

是幽王之變小雅按釋文在節南山之什詁訓傳

第十九下

毛詩鄭箋卷之十二

毛詩鄭箋卷之十三

小雅

周卜商子夏序

漢趙人毛萇傳

北海鄭玄箋

明甬東屠本峻纂疏補協江都陸弼欵程應衢校

谷風之什詁訓傳第二十

谷風刺幽王也天下俗薄朋友道絕焉

習習谷風維風及雨

興也風雨相感朋友相須箋習習和調之貌東風謂之谷風興者風而有雨則潤澤行喻朋友同志則恩愛成

將恐將懼維予與女

女音汝注全

箋將且也恐懼喻遭厄難勤苦之事也當此之時  
獨我與女爾謂同其憂務

將安將樂女轉棄予

補協女音汝  
予演女切

言朋友趨利窮達相棄箋朋友無大故則不相遺  
棄今女以志達而安樂棄恩忘舊薄之甚

習習谷風維風及頽

頽風之焚輪者也風薄相扶而上喻朋友相須而  
成纂疏正義曰釋天云焚輪謂之頽扶搖謂之焱  
李巡曰焚輪暴風從上來降謂之頽頽下也扶搖  
暴風從下升上謂之焱焱上也

將恐將懼寘予于懷

寘之鼓切補  
協懷胡隈切

箋寘置也置我於懷言至親已也

將安將樂棄予如遺

補協遺  
夷回反

箋如遺者如人行道遺忘物忽然不省存也

習習谷風維山崔嵬無草不死無木不萎

補協萎  
於回切

崔嵬山巔也雖盛夏萬物茂壯草木無有不死葉  
萎枝者箋此言東風生長之東風也山巔之上草  
木猶及之然而盛夏養萬物之時草木枝葉猶有  
萎槁者以喻朋友雖以恩相養亦安能不時有小  
訟乎

忘我大德思我小怨

補協怨字古韻中無叶峻按他本作於危切未詳

箋大德切磋以道相成之謂也

谷風三章章六句

蓼音六

莪刺幽王也民人勞苦孝子不得終養

去聲爾注全

箋不得終養者二親病亾之時時在役所不得見也

蓼蓼者莪匪莪伊蒿

與也蓼蓼長大貌箋莪已蓼蓼長大貌視之以爲非莪故謂之蒿與者喻憂思雖在役中心不精識其事

哀哀父母生我劬勞

箋哀哀者恨不得終養父母報其生長已之苦

蓼蓼者莪匪莪伊蔚

蔚音尉

蔚牡藪去办切也

哀哀父母生我勞瘁

箋瘁病也

餅之罄矣維壘之耻

餅小而壘大罄盡也箋餅小而盡壘大而盈言爲

壘耻者刺王不使富分貧衆恤寡纂䟽正義曰小

壘謂之坎孫炎曰酒罇也郭璞曰壘形似壺大者

受一斛

鮮民之生不如死之久矣

鮮息淺反補  
協久舉里切

鮮寡也箋此言供養日寡矣而我尚不得終養恨  
之言也

無父何怙無母何恃出則銜恤入則靡至

箋恤憂靡無也孝子之心怙恃父母依依然以為  
不可斯須無也出門則思之而憂旋入門又不見  
如入無所至

父兮生我母兮鞠我拊我畜我長我育我顧我復我

出入腹我

拊音撫玄田音  
旭長上聲

鞠養腹厚也箋父兮生我者本其氣也畜起也育  
覆育也顧旋視也復反覆也腹懷抱也

欲報之德昊天罔極

箋之猶是也欲報父母是德昊天乎我心無極

南山烈烈飄風發發

補協烈如字又力制  
反發如字又方味切

烈烈然至難也發發疾貌箋民人自苦見役視南  
山則烈烈然飄風發發然寒且疾也

民莫不穀我獨何害

補協害音  
曷又叶衣商

箋穀養也言民皆得養其父母我獨何故覩此寒  
苦之害



南山律律飄風弗弗

補協弗分聿反

律律猶烈烈也弗弗猶發發也

民莫不穀我獨不卒

箋卒終也我獨不得終養父母重自哀傷也

蓼莪六章四章章四句二章章八句

大東刺亂也東國困於役而傷於財譚大夫作是詩

以告病焉

箋譚國在東故其大夫尤苦征役之事也魯莊公

十年齊師滅譚

饔飩有捩棘匕

饔音蒙簋音軌捩音求匕音比

興也饔滿簋貌飩熟食謂黍稷也捩長貌匕所以

載鼎實棘赤心也箋飩者客始至主人所致之禮

也凡飧饗餼以其爵等為之牢禮之數陳興者喻

古者天子施予之恩於天下厚

周道如砥其直如矢

如砥貢賦平均也如矢賞罰不偏也

君子所履小人所視

補協視善止切

箋此言古者天子之恩厚也君子皆法效而履行

之其如砥矢之平小人又皆視之共之無怨

睠言顧之潸然出涕

睠音眷二音補協潸音舛出音毛注同潸音山

睠反顧也。潛涕下貌。箋言我也。此二事者在乎前世過而去矣。我從今顧視之爲之出涕傷。今不如古。

大東小東杼柚其空

補協東都郎切杼音竹柚音逐空姑郎切

空盡也。箋小也大也。謂賦歛之多少也。小亦於東大亦於東。言其政偏失砥矢之道也。譚無他貨。維絲麻爾。今盡杼柚不作也。

糾糾葛屨可以履霜。佻佻公子行彼周行。

佻徒彫徒了徒高三

反行土如字下叶杭

佻佻獨行貌。公子譚公子也。箋葛屨夏屨也。周行

周之列位也。言時財貨盡。雖公子衣屨不能順時。乃夏之葛屨。今以履霜送轉餽。因見使行周之列位者而發幣焉。言雖困乏猶不得止。

既往既來使我心疚

補協來六直切疚訖力反

箋既盡疾病也。言譚人自虛竭餽送而往。周人則空盡受之。曾無反幣復禮之惠。是使我心傷病也。

有冽沈泉無浸穫。薪契契寤歎哀我憚人。

沈音軌契苦計苦結

二反憚丁佐反補協泉從倫切

冽寒意也。側出曰沈泉。穫艾也。契契憂苦也。憚勞也。箋穫落木名。既伐而折之。以爲薪。不欲使沈泉

浸之浸之則將濕腐不中用也今譚大夫契契憂

苦而寤歎哀其民人之勞苦者亦不欲使周之賦

飲小東大東極盡之極盡之則將因病亦猶是也

薪是穫薪尚可載也哀我憚人亦可息也補協載節力切

載載乎意也箋薪是穫薪者析是穫薪也尚庶幾

也庶幾析是穫薪可載而歸蓄之以為家用哀我

勞人亦可休息養之以待國事補協按曰以泉叶從倫切以叶薪人

暖以泉如字歎音灘泉歎隔句一韻薪人隔句一韻下文薪人隔句一韻載息隔句一韻則自然成韻不必改音

東人之子職勞不來西人之子粲粲衣服補協來六直反服蕭

北反曷按子子隔句一韻來服隔句一韻

東人譚人也來勤也西人京師人也粲粲鮮盛貌

箋職主也東人勞苦而不見謂勤京師人衣服鮮

潔而逸豫言王政偏甚也自此章以下言周道衰

其不言政偏則言衆官廢職如是而已

舟人之子熊羆是裘補協裘渠之反按子子隔句一韻裘誠隔句一韻

舟人舟楫之人熊羆是裘言富也箋舟當作周裘

當作求聲相近故也周人之子謂周世臣之子孫

退在賤官使搏熊羆在冥氏穴氏之職

私人之子百僚是試補協試申之反

私人私家人也是試用於百官也笈此言周衰羣  
小得志

或以其酒不以其漿

或醉於酒或不得漿

鞞鞞佩璲不以其長

鞞胡犬反  
璲音遂

鞞鞞玉貌璲瑞也笈佩璲者以瑞玉爲佩佩之鞞  
鞞然居其官職非其才之所長也徒美其佩而無  
其德刺其素餐纂疏呂氏讀詩記後漢輿服志曰  
古者居臣佩玉五伯迭興戰兵不息釋去紱佩留  
其係璲以爲章表故詩曰鞞鞞佩璲此之謂也紱

佩旣廢秦乃以采組連結於璲轉相結受故謂之  
綬漢承秦制而弗改故加之以雙印佩刀之飾至  
孝明皇帝乃爲大佩衝牙雙瑀璜皆以白玉

維天有漢監亦有光

漢天河也有光而無所明笈監視也喻王閭音開置

官司而無督察之實纂疏正義曰楊泉物理論云

漢水之精也氣發而升精華浮上宛轉隨流名曰

天河一曰雲漢

跂彼織女終日七襄

跂丘  
跂切

跂隅貌襄反也笈襄駕也駕謂更其肆也從旦莫

七辰一移因謂之七襄纂疏正義曰孫毓云織女三星跂然如隅然則三星鼎足而成三角望之跂然也肆謂止舍處天有十二次日月星辰所止舍也在天爲舍在地爲辰星之行晝夜雖各有六辰數者舉其終始故七卽自卯至酉也

雖則七襄不成報章不能反報成章也箋織女有織名爾駕則有西無東不如人織相反報成文章

睨彼牽牛不以服箱

睨華板切

睨明星貌河鼓謂之牽牛服牝服也箱大車之箱

也箋以用也牽牛不可用於牝服之箱纂疏牽牛正義曰河鼓謂之牽牛釋天文也李巡曰河鼓牽牛皆二十八宿名也孫炎曰河鼓之旗十二星在牽牛北也或名爲河鼓亦名爲牽牛

東有啓明西有長庚

補協明謨郎切庚古郎切

日旦出謂明星爲啓明日既入謂明星爲長庚庚續也箋啓明長庚皆有助日之名而無實光也纂疏啓明長庚正義曰言旦出者旦猶明也明出謂嚮晨時也啓開也言開日之明故謂明星爲啓明庚續釋詁文日既入之後有明星言其長能續日

之明故謂明星為長庚也釋天云明星謂之啓明  
孫炎曰明星太白也出東方高三舍今日明星昏  
出西方高三舍今日太白然則啓明是太白矣長  
庚不知是何星也或一星出在東西而異名或二  
者別星未能審也 峻按呂氏讀詩記載長樂劉  
氏曰金星朝在東所以啓日之明夕在西所以續  
日之長李氏曰鄭樵云啓明金星長庚水星金在  
日西故日將出則東見水在日東故日將沒則西  
見

有挾天畢載施之行 補協行 戶郎反

挾畢貌畢所以掩兔也何嘗見其可用乎箋祭器  
有畢者所以助載鼎實今天畢則施於行列而已  
維南有箕不可以簸揚維北有斗不可以挹酒漿 波 簸

我切挹 音邑

挹斝也 斝 巨反

維南有箕載翕其舌維北有斗西柄之揭 揭 居 謁切

翕如也箋翕猶引也引舌者謂上星相近纂疏正

義曰南箕北斗者案二十八宿連四方為名者唯

箕斗并壁四星而已壁者室之外院箕在南則壁

在室東故稱東壁鄭稱參傍有玉井則井星在參

東故稱東井推此則箕斗並在南方之時箕在南而斗在北故言南箕北斗也以箕斗是人之用器故令相對為名 呂氏讀詩記所載董氏曰箕其踵似箕且有舌斗其方如斗且有柄箕四星二為踵二為舌踵狹而舌廣故曰翕斗四星為斗三星為柄垂而下揚故曰揭

大東七章章八句

四月大夫刺幽王也在位貪殘下國構禍怨亂並興焉

四月維夏六月徂暑

補協夏叶戶

徂往也六月火星中暑盛而往矣箋徂猶始也四月立夏矣至六月乃始盛暑興人為惡亦有漸非一朝一夕

先祖匪人胡寧忍予

補協予叶與

箋匪非也寧猶曾也我先祖非人乎人則當知患難何為曾使我當此難世乎

秋日淒淒百卉具腓

淒七西反卉許貴反腓芳非反

淒淒涼風也卉草也腓病也箋具猶皆也涼風用事而衆草皆病興貪殘之政行而萬民困病

亂離瘼矣爰其適歸

瘼音莫

離憂瘼病適之也箋爰曰也今政亂國將有憂病者矣曰此禍其所之歸乎言憂病之禍必自之歸為亂

冬日烈烈飄風發發

補協烈如字又力制反發如字又方吠切

箋烈烈猶栗烈也發發疾貌言王為酷虐慘毒之政如冬日之烈烈矣其亟急行於天下如飄風之疾也

民莫不穀我獨何害

補協害音曷又叶齋

箋穀養也民莫不得養其父母者我獨何故覩此寒苦之害

山有嘉卉侯栗侯梅

補協梅謨悲切

箋嘉善侯維也山有美善之草生於梅栗之下人取其實蹂踐而害之令不得蕃茂喻上多賦歛富人財盡而弱民與受困窮

廢為殘賊莫知其尤

補協尤于其切

廢伏也箋尤過也言在位者貪殘為民之害無自知其行之過者言大於惡

相彼泉水載清載濁

相息亮反補協濁珠玉反

箋相視也我視彼泉水之流一則清一則濁刺諸侯並為惡曾無一善



我日構禍曷云能穀

構成曷速也箋構猶合集也曷之言何也穀善也言諸侯日作禍亂之行何者可謂能善

滔滔江漢南國之紀

滔滔大水貌其神足以綱紀一方箋江也漢也南國之大水紀理衆川使不壅滯喻吳楚之君能長理旁側小國使得其所

盡瘁以仕寧莫我有

補協有羽已反

箋瘁病仕事也今王盡病其封畿之內以兵役之事使羣臣有土地曾無自保有者皆懼於危亾也

吳楚舊名貪殘今周之政乃反不如

匪鶉匪鳶翰飛戾天匪鱸匪鮪潛逃于淵

補協鳶以專以旬反

天如字又叶神淵如字又一均切

鶉鶉也鶉鳶貪殘之鳥也大魚能逃處淵箋翰高

戾至鱸鯉也言鶉鳶之高飛鯉鮪之處淵性自然

也非鶉鳶能高飛非鯉鮪能處淵皆驚駭辟害爾

喻民性安土重遷今而逃走亦畏亂政故纂疏正

義曰說文云鶉鶉也從敦而為聲字異於鶉也鶉

之大者又名鶉鶉大鶉也鶉鶉鳥也鶉鶉皆殺害

小鳥故云貪殘之鳥

公風 詩 卷之三 十三

山有蕨薇隰有杞棗

杞枸櫞音計也棗赤棟也箋此言草木尚各得其所

人反不得其所傷之也纂疏正義曰釋木文白者

棟舍人曰棗名赤棟也某氏曰白色為棟其色雖

異為名同江河間棟可作鞍郭璞曰赤棟樹葉細

而岐銳也皮理錯戾好叢生山中中為車網白棟

葉圓而岐為木大也

君子作歌維以告哀補協哀於希切

箋告哀言勞病而愬之

四月八章章四句

北山大夫刺幽王也役使去聲不均已勞於從事而不

得養去聲其父母焉

陟彼北山言采其杞

箋言我也登山而采杞非可食之物喻已行役不

得其事

借借士子朝夕從事補協子獎里切事上止切

借借強壯貌士子有王事者也箋朝夕從事言不

得休止

王事靡盬憂我父母盬音古補協毋滿彼反

箋靡無也盬不堅固也王事無不堅固故我當盡

詩經卷之十三 北山 十四

力勤勞於役久不得歸父母思已而憂

溥天之下莫非王土率土之濱莫非王臣

溥音普補  
協下叶戶

溥大率循濱涯也箋此言王之土地廣矣王之臣

又衆矣何求而不得何使而不行

大夫不均我從事獨賢

補協賢  
下珍切

賢勞也箋王不均大夫之使而專以我有賢才之

故獨使我從事於役自苦之辭

四牡彭彭王事傍傍

補協彭  
叶旁

彭彭然不得息傍傍然不得已

嘉我未老鮮我方將

將壯也箋嘉鮮皆善也王善我年未老乎善我方

壯乎何獨久使我也

旅力方剛經營四方

旅衆也箋王謂此事衆之氣力方盛乎何乃勞苦

使之經營四方

或燕燕居息

燕燕安息貌

或盡瘁事國

補協國  
越逼切

盡力勞病以從國事

或息偃在牀或不已于行

補協行  
叶杭

箋不已猶不止也

或不知叫號或慘慘劬勞

號戶刀反慘七感反又音操

叫呼號召也

或棲遲偃仰或王事鞅掌

鞅掌失容也箋鞅猶何也掌謂捧之也負何捧持

以趨走言促遽也

或湛樂飲酒或慘慘畏咎

湛都南反咎其九反

箋咎猶罪過也

或出入風議或靡事不為

風音諷議叶宜

箋風猶放也

北山六章三章章六句三章章四句

無將大車大夫悔將小人也

箋周大夫悔將小人幽王之時小人衆多賢者與

之從事反見諸害自悔與小人並

無將大車祇自塵兮

大車小人之所將也箋將猶扶進也祇適也鄙事

者賤者之所為也君子為之不堪其勞以喻大夫

而進舉小人適自作憂累故悔之

無思百憂祇自底兮

補協駭按底古韻中無叶如依字讀當為都禮切與上塵字不

叶未詳

名屈  
毛詩西風卷之三  
一六  
底病也箋百憂者衆小事之憂也進舉小人使得  
居位不任其職愆負及已故以衆小事爲憂適自  
病也

無將大車維塵冥冥

補協冥  
莫迥切

箋冥冥者蔽人目明令無所見也猶進舉小人蔽  
傷已之功德也

無思百憂不出于頰

頰音  
耿

頰光也箋思衆小事以爲憂使人蔽闇不得出於  
光明之道

無將大車維塵雍兮

雍平声反  
於用切

箋雍猶蔽也

無思百憂祇自重兮

重平聲又  
直用切

箋重猶累也

無將大車三章章四句

小明大夫悔仕於亂世也

箋各篇曰小明者言幽王曰小其明損其政事以  
至於亂

明明上天照臨下土

箋明明上天喻王者當光明如日之中也照臨下  
土喻王者當察理天下之事也據時幽王不能然

故舉以刺之

我征徂西至於芄野二月初吉載離寒暑九音求補  
協野上與

反

芄野遠荒之地初吉朔日也箋征行徂往也我行  
往之西方至於遠荒之地乃以二月朔日始行至  
今則更夏暑冬寒矣尚未得歸詩人牧伯之大夫  
使述其方之事遭亂世勞苦而悔仕

心之憂矣其毒大苦大音  
恭

箋憂之甚心中如有藥毒也

念彼共人滄零如雨共音恭注  
下皆全

箋共人靖共爾位以待賢者之君

豈不懷歸畏此罪罟罟音  
古

罟網也箋懷思也我誠思歸畏此刑罪羅網我故

不敢歸爾

昔我往矣日月方除曷云其還歲聿云莫除直慮反  
莫音墓

除除陳生新也箋四月為除昔我往至於芄野以  
四月自謂其時將即歸何言其還乃至歲晚尚不  
得歸

念我獨兮我事孔庶心之憂矣憚我不暇憚丁佐反  
補協暇胡

反胡

憚勞也箋孔甚庶衆也我事獨甚衆勞我不暇皆  
言王政不均臣事不同也

念彼其人睠睠懷顧

睠音眷

箋睠睠有往仕之志也

豈不懷歸畏此譴怒

譴棄戰反怒乃路反

昔我往矣日月方奧

奧音郁補協此章與今韻叶

奧煖也

曷云其還政事愈蹙歲聿云莫采蕭穫菽

蹙促也箋愈猶益也何言其還乃至於政事更益

促急歲晚乃至采蕭穫菽尚不得歸

心之憂矣自詒伊戚

補協戚曰叶子六反按戚自與菽通必不改音

戚憂也箋詒遺也我冒亂世而仕自遺此憂悔仕

之辭

念彼其人興言出宿

箋興起也夜臥起宿於外憂不能宿於內也

豈不懷歸畏此反覆

箋反覆謂不以正罪見罪

嗟爾君子無恒安處

處昌慮切

箋恒常也嗟女君子謂其友未仕者也人之居無

常安之處謂當安安而能遷孔子曰鳥則擇木

靖共爾位正直是與神之聽之式穀以女

女音

靖謀也正直為正能正人之曲曰直箋共具式用穀善也有明君謀具女之爵位其志在於與正直之人為治神明若祐而聽之其用善人則必用女是使聽天守命不汲汲求仕之辭言女位者位無常主賢人則是

嗟爾君子無恒安息

息猶處也

靖共爾位好是正直神之聽之介爾景福

補協福筆力切

介景皆大也箋好猶與也介助也神明聽之則將

助女以大福謂遭是明君道施行也

小明五章三章章十二句二章章六句

鼓鍾刺幽王也

鼓鍾將將淮水湯湯憂心且傷

將七羊切湯音傷

幽王用樂不與德比會諸侯于淮上鼓其滛樂以示諸侯賢者為之憂傷箋為之憂傷者嘉樂不野合犧象不出門今乃於淮水之上作先王之樂失禮尤甚

淑人君子懷允不忘

箋淑善懷至也古者善人君子其用禮樂各得其



宜至信不可忘

鼓鍾喑喑淮水泔泔憂心且悲

補協喑居奚切泔賢鷄切

喑喑猶將將泔泔猶湯湯悲猶傷也

淑人君子其德不回

補協回平為切

回邪也

鼓鍾伐馨淮有三洲憂心且妯

補協馨音皋叶居侯切妯救留切

馨大鼓也三洲淮上地妯動也箋妯之言悼也纂

疏正義曰馨即皋也古今字異耳禪人云皋鼓尋

有四尺長丈二是大鼓也

淑人君子其德不猶

猶若也箋猶當作瘡瘡病也

鼓鍾欽欽鼓瑟鼓琴笙磬同音

欽欽言使人樂

音岳下全

進也笙磬東方之樂也同音

四縣皆同也箋同音者謂堂上堂下八音克諧

縣音

玄

以雅以南以箏不僭

補協南尼心切僭楚林切

為雅為南也舞四夷之樂大德廣所及也東夷之

樂曰昧南夷之樂曰南西夷之樂曰朱離北夷之

樂曰禁以為箏舞若是為和而不僭矣箋雅萬舞

也萬也南也箏也三舞不僭言進退之旅也周樂

尚武故謂萬舞為雅雅正也籥舞文樂也

鼓鍾四章五句

楚茨刺幽王也政煩賦重田萊多荒饑饉降喪去聲民

卒流亾祭祀不饗故君子思古焉

箋田萊多荒茨棘不除也饑饉倉庾不盈也降喪神不與福助也

楚楚者茨言抽其棘自昔何為我藝黍稷

楚楚茨棘貌抽除也箋茨蒺藜也伐除蒺藜與棘自古之人何乃勤苦為此事乎我將得黍稷焉言古者先王之政以農為本茨言楚楚棘言抽互辭

也纂疏正義曰茨蒺藜也郭璞云布地蔓生細葉

子有三角刺是也

我黍與與我稷翼翼我倉既盈我庾維億與音餘

露積曰庾萬萬曰億箋黍與與稷翼翼蕃廡貌陰陽和風雨時則萬物成萬物成則倉庾克滿矣倉言盈庾言億亦互辭喻多也十萬曰億

以為酒食以享以祀以妥以侑以介景福補協祀逸織切侑夷

益切福筆力切

妥安坐也侑勸也箋享獻介助景大也以黍稷為酒食獻之以祀先祖既又迎尸使處神坐而食之

為其嫌不飽祝以主人之辭勸之所以助孝子受大福也

濟濟蹠蹠絜爾牛羊以往烝嘗或剝或亨或肆或將

蹠十七羊反補  
協烹鋪即反

濟濟蹠蹠言有容也亨飪之也肆陳將齊也或陳

于牙或齊于肉笺有容言威儀敬慎也冬祭曰烝

秋祭曰嘗祭祀之禮各有其事有解剝其皮者有

煮熟之者有肆其骨體於俎者或奉持而進之者

祝祭于祊祀事孔明

補協祊依字補彭切  
叶補光切明謨即切

祊門內也笺孔甚也明猶備也絜也孝子不知神

之所在故使祝博求之平生門內之旁待賓客之

處祀禮於是甚明纂疏釋宮云閑謂之門李巡曰

閑廟門名

先祖是皇神保是饗

補協饗  
虛羊切

皇大保安也笺皇咺也先祖以孝子祀禮甚明之

故精氣歸咺之其鬼神又安而享其祭祀

孝孫有慶報以介福萬壽無疆

補協疆  
祛羊切

笺慶賜也疆竟界也

執爨蹠蹠為俎孔碩或燔或炙

補協蹠十七畧切碩  
常約切炙直畧切

爨燔爨廩爨也蹠蹠言爨竈有容也燔取腓骨炙

炙肉也箋燔燔肉也炙肝炙也皆從獻之俎也其為之於爨必取肉也肝也肥碩美者

君婦莫莫為豆孔庶為賓為客

補協莫木各切庶陟畧切客克各切

莫莫言清靜而敬至也豆謂內羞庶羞也繹而賓尸及賓客箋君婦謂后也凡適妻稱君婦事舅姑之稱也庶胙也祭祀之禮后夫人主共籩豆必取肉物肥胙美者也

獻醕交錯禮儀卒度笑語卒獲

醕音酬補協度待各切獲黃郭切

東西為交邪行為錯度法度也獲得時也箋始主人酌賓為獻賓既酌主人主人又自飲酌賓曰醕

至旅而爵交錯以徧卒盡也古者於旅也語

神保是格報以介福萬壽攸酢

補協格剛鶴切

格來酢報也

補協按楊太史慎云此詩皆古韻非叶殆不可讀

我孔熯矣式禮莫愆工祝致告徂賚孝孫

熯而善反補協愆反

起巾反孫須倫反

熯敬也善其事曰工賚予也箋我我孝孫也式法莫無愆過徂往也孝孫甚敬矣於禮法無過者祝以此故致神意告主人使受嘏既而以嘏之物往予主人

苾芬孝祀神嗜飲食卜爾百福如幾如式

補協祀逸織反福筆

反力

幾期式法也箋卜予也苾苾芬芬有馨香矣女之  
以孝敬享祀也神乃歆嗜女之飲食今予女之百  
福其來如有期矣多少如有法矣此皆嘏辭之意  
既齊既稷既匡既勅永錫爾極時萬時億

稷疾勅固也箋齊減取也稷之言卽也永長極中  
也嘏之禮祝徧取黍稷牢肉魚孺于醢以授尸孝  
孫前就尸受之天子使宰夫受之以筐祝則釋嘏  
辭以勅之又曰長賜女以中和之福是萬是億言  
多無數

禮儀既備鍾鼓既戒孝孫徂位工祝致告

補協備蒲北反戒訖

力反位力入反告右得反

致告告利成也箋鍾鼓既戒戒諸在廟中者以祭  
禮畢孝孫往位堂下西面位也祝於是致孝孫之  
意告尸以利成

神具醉止皇尸載起鼓鍾送尸神保聿歸

皇大也箋具皆也皇君也載之言則也尸節神者  
也神醉而尸謾送尸而神歸尸出入奏肆夏尸稱  
君尊之也神安歸者歸於天也

諸宰君婦廢徹不遲

箋廢去也尸出而可徹諸宰徹去諸饌君婦邊豆而已不遲以疾爲敬也

諸父兄弟備言燕私

補協私息夷切

燕而盡其私恩箋祭祀畢歸賓客豆俎同姓則留與之燕所以尊賓客親骨肉也

樂具入奏以綏後祿爾殺既將莫怨具慶

補協奏叶族慶祛羊切

綏安也安然後受福祿也將行也箋燕而祭時之樂復皆入奏以安後日之福祿骨肉歡而君之福祿安女之殺羞已行同姓之臣無有怨者而皆慶

君是其歡也

既醉既飽小大稽首神嗜飲食使君壽考

補協飽彼五補苟二

切首賞呂切又如字考口舉去九二切

箋小大猶長幼也同姓之臣燕已醉飽皆再拜稽首曰神乃歆嗜君之飲食使君壽且考此其慶辭孔惠孔時維其盡之子子孫孫勿替引之補協盡子忍切替廢引長也箋惠順也甚順於禮甚得其時維君德能盡之願子孫勿廢而長行之

楚茨六章章十二句

信南山刺幽王也不能修成王之業疆理天下以奉

禹功故君子思古焉

信彼南山維禹甸之昫昫原隰曾孫田之

補協甸叶  
仁昫音勺

田叶  
塵

甸治也昫昫墾辟貌曾孫成王也箋信乎彼南山  
之野禹治而丘甸之今原隰墾辟則又成王之所  
佃言成王乃遠修禹之功今王反不修其業乎六  
十四井為甸甸方八里居一成之中成方十里出  
兵車一乘以為賦法

我疆我理

疆畫經界也理分地理也

南東其畝

補協軌  
滿彼切

或南或東

上天同雲雨雪雰雰

補協雲如字又云元  
切雰音紛又孚焉切

雰雰雪貌豐年之冬必有積雪

益之以霡霂既優既渥

霡霂音麥木  
渥鳥名切

小雨曰霡霂箋成王之時陰陽和風雨時冬有積  
雪春而益之以小雨潤澤則饒洽

既霑既足生我百穀

疆場翼翼黍稷彧彧

場音亦補協  
彧于逼切

場畔也翼翼讓畔也彧彧茂盛貌

曾孫之稽以為酒食畀我尸賓壽考萬年

補協年尼因切

箋歛稅曰稽畀予也成王以黍稷之稅為酒食至

祭祀齋戒則以賜尸與賓尊尸與賓所以敬神也

敬神則得壽考萬年

中田有廬疆場有瓜是剝是菹

補協瓜攻乎切菹則居切

剝瓜為菹也箋中田田中也農人作廬焉以便其

田事於畔上種瓜瓜成又入其稅天子剝削淹漬

以為菹貴四時之異物

獻之皇祖曾孫壽考受天之祐

補協考孔五切祐侯古切

箋皇君祐福也獻瓜菹於先祖者順孝子之心也

孝子則獲福

祭以清酒從以騂牡享于祖考

周尚赤也箋清謂玄酒也酒鬱鬯五齊

才細反

三酒

也祭之禮先以鬱鬯降神然後迎牲享于祖考納

亨時纂疏正義曰天官酒正辨五齊之名一日泛

齊二曰醴齊三曰盎齊四曰緹齊五曰沈齊辨三

酒之物一日事酒二曰昔酒三日清酒酒正掌為

五齊三酒祭祀則供奉之也酒正鄭注云泛者成

而滓浮泛泛然如今宜成醪矣醴猶體也成而汁

滓相將如今恬酒矣盎猶翁也成而翁翁然葱白



色如今之鄮白矣緹者成而紅赤如今下酒矣沈者成而滓沈如今造清酒矣齊者每有祭祀以度量節作之也又云事酒酌有事者之酒其酒則今時醪酒也昔酒如今之茵久白酒所謂舊醪者也清酒今之中山冬釀接夏而成者是也

執其鸞刀以啓其毛取其血骨音聊

鸞刀刀有鸞者言割中節也箋毛以告純也骨脂膏也血以告殺骨以升臭合之黍稷實之於蕭合馨香也纂疏正義曰鸞卽鈴也謂刀環有鈴其聲中節 骨者腸間脂也以脂膏合之黍稷置之蕭

乃以火燒之合其馨香之氣是升臭也郊特牲曰取胾骨燔燎升首報陽也

是烝是享苾苾芬芬祀事孔明補協享虛良切芬音方明謨卽切

烝進也箋既有牲物而進獻之苾苾芬芬然香祀禮於是則甚明也

先祖是皇報以介福萬壽無疆

箋皇之言睚也先祖之靈歸睚是孝孫而報之以福

信南山六章章六句

谷風之什十篇五十四章三百五十六句



